



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

lesu Christi Annus. M.D.XXX. Sancti Patris Benedicti. M.L.

urn:nbn:de:hbz:466:1-38498

sanctam exhalaret animam, coelestis quidam splendor stellae lucidae instar tertium per cubile gyrando supra caput denique Virginis susteret; ipsa à morte faciem serenitatis & laetitiae plenissimam, praeferebat; ex cujus ore candidissima columba evolans visa verum coelum erumpere, tota mox Mediolanensi Urbe ad nuncium mortis ejusdem occurrente, nec contineri se passa multitudine, quin in clausuram ipsam Canobij irrumperet, nec fatiari contuitu tam pretiosi funeris posset, donec quietis Canobio reddenda causa, delata in Ecclesiam, omnium solatio exposita triginta totos dies, universis spectabilis, supra feretrum incorrupta prorsus, & inexplicabili gaudio omnes afficiens, jaceret, inde primum sarcophago lapideo condita & antea & postea magnis à Numine miraculis commendata. *Ex Vita per Franciscum Rugierium, solemniter approbata.*

Concurfus ad sumu.

Persecutio per Germaniam.

Exempla mira constantia.

Incredibile dictum est, quanta in sola Germania, hoc ipso anno & tempore perpeffi sint nostri, ab invalescentibus passim potentia & violentia Haereticis; plurimis jam Principibus à Luthero & Asseclis, sacra sibi bonorum Ecclesiasticorum accensis, & contra sacros viros concitatis, violentas infundata à suis Majoribus Monasteria manus iniicientibus, nec bona solum temporalia sibi arrogantibus, sed & in sacra & à tot saeculis consecrata Numini, sacrosanctis Corpori & Sanguini Dominico propria immani infandoque Sacrilegiorum contextu, nequiter grassantibus, & saepe in turpissimos usus, caelo exhorrescente, eadem convertentibus, ipsis viris Religiosis, & Christi sacerdotibus, indignissimè raptatis, tractis, tortis, multis etiam paricidaliter interemptis. Spectare inter haec erat, Viros non solum, sed Virgines Amazones cordatissimas, tanta magnanimitate, tantaque generositate, in tantis injurijs, calumnijs, cadibus, in tanta inopia, fame, siti, alijsque incommodis, ut non minora & indigniora vetustissimis Christi Martyrum exemplis, gloriosissimè praeferrerent, & quamvis alij calentissimis quotidie lachrymis, Numini suorum confratrum, & sororum afflictiones commendarent, alij tamen & alij se ipsis fortiores, *stant*, cum Apostolis

gaudentes, quoniam digni habiti sunt pro nomine IESU contumeliam pati, ludibria & verbera experti, insuper & vincula & carceres, equentes, angustiati, afflicti. DEI nihilominus gloriam & misericordiam praedicabant, nunquam melius se cum agi reputantes, quam si in suo pro Christo exilio morentur. Quae inter aliorum, exilia & oppressiones, Praelati alij [Imperio maxime immediate subiecti, qui nullum alium agnoscerent Dominum quam Augustum Imperatorem, vel quorum Principes, nova omnia dogmata constantiter aversati, adversum Jeonoclastas animum fortiter obfirmarunt] illi, inquam, Abbates, vigilantissimo oculo, in omnes sese passim insinuantium Haereticorum conatus & fraudes intenti, maximo de Re Catholica merito, suas non solum ditiones & Dominia, sed & vicinorum quibusque sibi Dynastiarum, singulari arte & industria adversum pestilentissimam Haereticorum dogmatum infectionem, praemunientes, missisque quaque verum lectissimis & Religiosissimis oratoribus & praedicatoribus, saniora, subditis consilia instillantibus tantum effecerunt, ut communi ferè tot mortalium per Germanias defectione, insignis planè Christo & Ecclesiae pars Germaniae servata Benedictino Ordini inter tantos turbines & tempestatem debeatur.

IESU CHRISTI ANNUS. M.D.XXX.

Sancti Patris Benedicti. M. L.

IN Hispanijs admirandis effulgent sanctitatis splendoribus Beata Maria dicta à Matre DEI, monastice professà in Monasterio Beatae Mariae Magdalena Jependis oppidi, sponsa Christi lectissima, quae cum Angelica puritatis integritate, & omnium Virtutum gratia, & consodalium suorum, & omnium intuentium atque audientium mirè afficeret animos, suoque exemplo plurimos ad sublimiora raperet, quo pluribus prodesset, ad novum construendum Canobium in Villam Pinto destinata, illud, pro mirifico suo in Deiparam affectu, ejusdem *Inmaculate Conceptioni* sacrum voluit, insignique eodem titulo appellari, cui praesesse iussa, sacras filiolas suas, mirifico Numinis & Coelorum Augusta amore succendit, ipsa autem, post ex-

actam

Compassio Religiosorum

B. Maria cogn. à Matre DEI.

Cordis Inmaculate Conceptionis

actam gloriosissimè per ingentia merita vitam, magnà miraculorum glorià illustrissimà migravit ad Christum, cujus sacrum corpus, ex ultima procul dubio voluntate, ad locum professionis relatum, ibidem summâ omnium admiratione & veneratione incorruptum servatur & colitur. *Ex monim. Hisp. communis.*

Venerabilis Aegidius Abbas Latensis.

Extinguitur hoc anno perillustre Ordinis in inferiore Germania lumen, Venerabilis Aegidius Abbas Latensis; vir per omnia laudatissimus, & propter eximias animi dotes Principibus charissimus, apud quos & clero & populo efficacissimè patrocinatus, verè patrem patriæ egit, & Margaritam inprimis, Belgij Gubernatricem sanctis suis exhortationibus ad optima quæque flexit & Reipublicæ universæ immortaliter consuluit. Restauravit in disciplina & ædificijs monasterium, & magnifici chori fundamenta jecit, in magnis conatibus morte interceptus, cujus inter præclarè gesta, hoc longè maximum, quod superstes etiamnum Coadiutorem sibi delegerit eximiâ sanctitate virum Ludovicum Bloisium, de Blois, de cujus meritis deinceps dicemus. *Ex monumentis ejusdem Canobij.*

Venerabilis Joannes Baptista Lucensis.

Transit ad æterna immortalium gaudia sanctæ recordationis Vir Venerabilis Pater Joannes Baptista Lucensis, Camaldulensis sanctissimæ familiæ nostræ lucidissimum sydus, sanctæ Mariæ Magdalensæ Contemplatricis illius & Amatricis Christi mirificæ longè amantissimas, quæ ad ipsum triduo ante mortem, spectabili forma gratiosissimè invisens, lætissimo nuncio beavit, & post triduum carnis solvendum ergastulo prædixit, quo plurimum exhilaratus & ad felicissimam mortem sanctissimè dispositus felicem animam hilaris efflavit. *Ex sape cit. monim. Camald.*

Benedictus Majoricensis.

Inter viros Ordinis doctissimos, & Philosophos hujus sæculi præstantissimos, floret hoc tempore Benedictus Majoricensis, Monachus Archisterij Romani sancti Pauli extra Urbem, Congregationis Casinensis, qui alia inter. subtilissimi ingenij monumenta scripsit commentaria in Porphyrium, & in Logicam Questiones universales &c.

Inter præstantissimos autem Pontifices, ex Ordine ejusque Monasterijs ad Episcopales Cathedras extractos, exsplendescunt hoc anno Philippus de Cossè Constantiensis in Normannia. Episcopus, Theobaldi de Cossè & Felicitatis de Charno apud S. Julianum filius, Magnus Franciæ Eleemosynarius Cluniacensis Monachus, ad quem scripsit Salomon Macrinus &c. & Eusebius Priolus ex Patricio Veneto Monachus celeberrimi Canobij sancti Michaelis de Murano sacre Congregationis nostræ Camaldulensis Vegiensis Episcopus, de quibus consulendi rerum Cluniac. & Camald. Scriptores.

Philippus de Cossè Episc. Constantiensis.

Eusebius Priolus Venetiensis Episc.

IESU CHRISTI ANNUS. M.D.XXXI.
Sancti Patris Benedicti. M. LI.

Summâ in Imperio auctoritate, apud Carolum Augustum, & Ferdinandum Regem gratiâ, eminet Gervicus, ex equestri Blaarerorum de Girsperg & Güttingen familia, Imperialis Canobij Weingartensis lectissimus Abbas, Vir præter generis splendorem & antiquitatem, doctrinâ, facundiâ & Juris, maximè Canonici scientiâ, sed multo magis Forensis sive Civilis praxi & experienciâ spectatissimus, morum insigni venustate, inque rebus agendis admirandâ prorsus dexteritate celebratissimus; inter præcipua Imperij decora, Ordinisque, sed & Ecclesiæ universæ referendus. Is hoc ipso anno, à Ferdinando Rege, uti & superiore ab Augustissimo Cæsare Carolo V. consultationi rerum, gravissimarum adhibitus, ita fidem, ingenium, industriam, atque indefessum, in summè arduis Imperij rebus, ac negotijs difficillimis, utrique probavit, ut exin, multo quidem cum Ordinis, tum Canobij sui honore, sed ingenti sanè onere, & cum periculo gravissimo vitæ summi obire momenti functiones & Legationes cogere-
retur. Quibus tamen felicissimè perfunctus, Monachorum studia æterno merito, Germaniæ universæ, sed & Ecclesiæ commendavit. De quo suis locis, plura recensenda, occurrent. *Ex Archivo Weingart. & Vita ejusdem.*

Gervicus Blaterus Abb. Weingart.

A Cæsari-bus ad gravissima adhibitus.

Legationes ejusdem.

In inferiore Germania, immortalibus item se meritis commendat Illustrissimus & verè Reverendissimus Wilhelmus Abbas Prumiensis Comes de

Wilhelmus Abb. Prumiensis.

K